

с ними равен в нищете. Сего бо ради господь изъясняя неисправленное слово его рече: аще хощеша совершен быти, иди и продажд имение свое и дажд нищим. Он же сего ради оскорбе, яко не любляше тем отдати своего богатства, их же рек любляше яко себе. Се убо он изъяви, еже не тако любляше искренняго яко себе. Сего ради рече господь: яко неудобь богатый внидет во царство небесное. О таковых бо и Ияков брат господень по плоти пища глаголет: «Богатии плачитесь рыдающе || о страстех ваших грядущих на вы, богатество ваше изгни и ризы ваша молиа поядоша, злато ваше и сребро изржаве и ржа их в послушество вам будет».<sup>9</sup> Мы же сих ради речем, о добрая нищета, ею же Христос бог наш волею обнища, показуя нам нелицемернаго смиренняго образ, им же возводимся к нему во царство горняго Иерусалима. Яко же сам господь ко отцу молясь о ученицех рече: «не о сих молю токмо, но и о верующих словесе их ради в мя, да вси едино суть, яко же ты отче во мне и аз в тебе да и ти в нас едино будут».<sup>10</sup> И паки рече господь: «Отче, их же дал еси мне, хощу, да идеже есми аз и ти будут со мною, да видят славу мою, юже дал еси мне, яко возлюбил мя еси прежде сложения мира. Отче праведный, мир тебе не позна, аз же тя познах и сии познаша, яко ты мя посла. И сказах им имя твое и скажу да любы, ею же мя еси возлюбил, в них будет и аз в них».<sup>11</sup> О сем же глаголет и возлюбленный господом богословный Иоанн в послании своем: || «Не любяи брата своего во тме есть».<sup>11, а</sup> И паки рече: «да любим друг друга, не яко же Каин от неприязни бе и закла брата своего. И за кую вину закла его? Яко дела его лукава быша, брата же его праведна».<sup>6</sup> Сего бо ради великий богослов сию притчу написа, понеже мнози и до ныне зависти ради о делех друг друга снедают. Понеже сих множайши, елицы возлюбиша неправду, елицы же обретаются живущии по бозе, сих в мале. Посему убо противу неправде ополчатись не могут и снедаемы сут завистию. И паки же великий богослов рече: «иже бо аще имат житие мира сего и видит брата своего требующа и затворит утробу свою от него, како божиа любы пребывает в сем. Чадца моя, не любим словом и языком, но делом и истинною».<sup>8</sup> О сем же Ияков брат господень по плоти рече: «аще брат или сестра нага будета и лишена будета дневняя пища, речет же има кто от вас, идита с миром, грейтася и насыщайтася и не даст же има требование || телесное, кая полза».<sup>2</sup> И паки же богословный Иоанн глаголет: «яко любы от бога есть и всяк любяй от бога рожен есть и разуме бога, а не любяй не разуме бога, яко бог любы есть. О сем явися любы божиа в нас, яко сына своего едиnorodного посла бог в мир, да живем о нем. О сем есть любы, не яко мы возлюбихом бога, но яко той возлюби нас и посла сына своего оцыщение о гресех наших. Возлюбленнии, аще сице возлюби нас бог и мы должны есмы друг друга любити. Бога никто же нигде же виде. Аще любим друг друга, бог в нас пребывает и любы его совершенна есть в нас. О сем разумеем, яко в нем пребываем, и той в нас».<sup>4</sup> Се бо рече богословный, яко аще заповедь господню соблюдем, юже господь положи нам, яко сам любляше и его возлюбления заповеди, еже от него изшедшая, в нас пребывают, се сам бог в нас пребывает и мы пребывающе в поведении его се в нем пребываем. И паки богослов рече: «И мы познахом и веровахом любовь, || еже имат бог в нас. Бог любы есть и пребываяй в любви, в бозе пребывает и бог в нем пребывает».<sup>5</sup> И паки рече: «Мы

<sup>9</sup> Иаков, V, 1—3. <sup>10</sup> Иоанн, XVII, 20—21. <sup>11</sup> Иоанн, XVII, 24—26. <sup>11, а</sup> Иоанн, II, 9. <sup>6</sup> Иоанн, III, 11—12. <sup>8</sup> Иоанн, III, 17—18. <sup>2</sup> Иаков, II, 15—16. <sup>4</sup> Иоанн, IV, 7—13. <sup>5</sup> Иоанн, IV, 16.